

Tā îgĩ-îgĩ Póólō kâ Kōlósĩ lé 'bá yî drí rí

Kōlósĩ lé 'bá

Tā 'ě'á zīlā nīlī sīsī rí

Póólō rí wárāgā nô îgĩ'á krístō 'bá gólīyī Kōlósĩ 'álá rí 'bá yî drí kâyī gólá drí 'bázó gānīmā 'á rí sī. Gólá îgĩ wárāgā nô 'dó kâyī gólīyī gólá drí wárāgā îgízó Fīlēmónā yî drí gō'dá kpá krístō 'bá yî Ēfēsō kâ bê rí 'á. Gólīyī rí'á Tīmátīyā bê. Póólō cá drē gólīyī lāmúlī tólá kô, gō'dá Ēpāfārasī pē tā átī Yēsū rí tāsī rí trá tólá gō'dá kpá gólá ítō kānīsā trá tólá.

Póólō îgĩ wárāgā nô gólīyī drí, tálá òjílā āzā 'bá yî bê tólá, ítō iyī trá rí'á tā anyā ìmbálé krístō 'bá yî drí. Gólīyī kī nī rí, iyī āā'dô cú tā nīnī bê kōrō Póólō yî drīī sī. Gólīyī kī nī rí, krístō 'bá yî drí kpá líndrī āzā 'bá yî ñnjīlī òzō Yēsū rí ñnjīrī kátī. Gólīyī ìmbā kpá tā 'bā'bā dūū āzā 'bá yî trá kī, óonyā ngá āzā 'bá yî kô. Gō'dá gólīyī òrī ró kpá lā'bī āzā 'bá yî 'dálé, òzō párá sī kâ 'dī tī rí yî rí. Tā ìmbā 'dī 'bá yî ndrī ònjō 'í. Gō'dá wárāgā nô 'á rí, Póólō îgĩ tā trá krístō 'bá yî drí kī, òzō gólīyī ò'è iyī tā ìmbā anyā 'dī 'bá yî trá rí, 'dīī rí gólīyī áyē lāfī Yēsū kâ rí trá. Póólō kī nī rí, òjílā āzā yū'dāwá òzō Yēsū tī rí. Gólá rí'á pātīī Ôvārī tī, gō'dá gólá rí'á lārākō òjílā mvá kâ rí ró. Gólá 'bā ngá lédrē-lédrē ndrī nô 'bá yî, òjílā yí bê, gō'dá kpá mālāyíkā yí bê, gō'dá kpá líndrī āmbā nô 'bá yî bê rí yî 'dó nī, tā íyíkā rōlé gō'dá 'élé gō'dá kpá iyī ñnjīlī. Yēsū drā bê fē lāfī-lāfī drīī rí, gólá ízā mbārākā Sātānā kâ líndrī íyíkā rí 'bá yî bê òjílā mvá drīlī rí trá ndrī.

Gō'dá Póólō ndē tā íyíkā 'dī tā ā'dā-ā'dā sī òjílā Ôvārī kâ rí 'bá yî drí kī, tā 'ě'ē gólīyíkā rí āā'dô nyé òzō Kúmú gólīyíkā Yēsū kâ rí tī.

1¹⁻² Mā Póólō gólá Ôvārī drí nīlī ā'dólé lājō'bá Yēsū Krístō kâ rí ró îgĩ wárāgā nô nī ānī gólīyī òjílā nyāányā Ôvārī kâ Kōlósĩ 'álá rí yî drí. Ānī 'dī tā lē 'bá yî Yēsū 'á pīpīsīlī ālō sī rí. Āmā, āmā ādrúpī Tīmátīyā bê, 'è nī-bē-yā ānī drí. Ôvārī āmā átá òfē òrē ānī drí tā ā'dī bê.

Tā Póólō drí rātāā 'ězō Ôvārī drí krístō 'bá gólīyī Kōlósĩ 'álá

rí 'bá yî tāsī rí

³ Ōzō mā òtírī rīī rātāā 'élé Ôvārī, Kúmú āmákā Yēsū Krístō rí átá ró rí drí rí, mā rí trá rí'á āwō-ítī 'élé gólá drí ānī tāsī. ⁴ Gō'dá tā gólá āmā drí rīzō āwō-ítī 'élé rí 'dī nō, mā ārī tā ānī tāsī kī, nī òlē tā trá Yēsū Krístō 'á pīpīsīlī ālō sī, gō'dá nī òlē krístō 'bá āzī kpá trá rōō. ⁵ Nī rí tā 'dī 'bá yî 'élé, tálā ānī rí'á līfī 'bā'bā bê āyīkō gólá Ôvārī drí rí'á édélā ānī drí rīzō 'álá úrú 'álá nā drīī. Nī nī āyīkō 'dī tā lā kâyī gólá tā átī-átī tándī pātī-pātī Yēsū Krístō rí tāsī nô tā lā pēzō ānī drí rí 'á.

⁶ Ítī rí, gō'dá āngó 'á nōngá rí, òzō òpē tā átī-átī 'dī trá rí, tā lā drí lā'búzó vō 'ásī ndrī, gō'dá òjílā òjálé rīlī rīrī ó'dī tándī rí sī. Gō'dá tā rí 'dī ā'dô kpá trá ānī drí tī, kâyī gólá ānī drí tā átī-átī tándī Yēsū Krístō rí tāsī nô ārízó rí 'á rí, nī nī trá kī, tā rí 'dī rí'á tā pātīī 'í, gō'dá tā lānjā Ôvārī kâ drīlā tā ònjī òjílā kâ áyézó tākó nō, tā lā drí fīzō ānī drīī. ⁷ Ēpāfārasī ìmbā tā rí 'dī nī ānī drí. Gólá 'dī rú 'bū 'bá tándī Yēsū kâ tībē āmā drí jōlé nī'á tā rí 'dī ìmbálé ānī drí rí. ⁸ Gō'dá gólá átā tā nī āmā drí kī, nī òlē òjílā Ôvārī kâ trá rōō, tálá Líndrī Tándī Ôvārī kâ òfī trá ānī pīpīsīlī 'á.

⁹⁻¹⁰ Gō'dá ā'dô bê trá ítī rí, mā ārī tā rí 'dī bê rí, mā ítō trá rí'á rātāā 'élé ānī tāsī. Mā rí trá rí'á rātāā 'élé Ôvārī drí, Líndrī Tándī gólākā āā'dā ró, ngá gólīyī gólá drí lēlé ānī drí nīlī rí ndrī ānī drí tā anyā ākō 'á lā gō'dá nī ícā ró kpá bê rīlī rīrī tándī gólá Ôvārī rí 'bā 'bá ā'dólé āyīkō ró rí sī. Mā rí gō'dá kpá rí'á Ôvārī rí íjílī òfē ró mbārākā ānī drí tā tándī 'ězō òjílā drí, tā tándī gólá tībē 'é 'bá òjílā 'bālē ānī ápī Ôvārī rí ñnjīlī rí. Gō'dá āmā kpá rí'á gólá rí 'íjī'á gólá ò'è ró ānī íyī nīlī gārā. ¹¹ Gō'dá āmā kpá rí'á rú'bā lō'bā'á gólá drí, tálá gólá ò'bā ró ānī bê ā'dólé tā nīnī bê, tálá òzō gbō lé rīrī òtírī ácā āmbā-āmbā ró rí, nī rí ró bê mánīsī fīī ātū-ātū sī, tálá gólá rí nī mbārākā fēlé ānī drí. ¹² Gō'dá nī lūyī kpá Ôvārī āmā átá ró rí āyīkō sī, tálá gólá 'bā āmā trá ā'dólé rīlī yí bê òjílā íyíkā nyāányā lā ró, kúmū íyíkā 'á vō 'í'í-'í'í 'á rí. ¹³⁻¹⁴ Gō'dá Ôvārī ñnjī āmā trá kúmū Sātānā kâ ñnjīkúwá ró rí kâ 'ásī, gō'dá trōlé tándī ró 'bālē kúmū mvá lā drīlā lēlé rōō rí kâ 'á, gō'dá gólá Yēsū Krístō 'dī tībē āmā ñnjī 'bá ā'dólé drī-báláyī ró tā ònjī drīgá sī rí. Ítī rí, āmā gō'dá trá gólākā 'dī gō'dá ólō'bāā tā āmā rú Ôvārī āndrá kô. Gō'dá Ôvārī áyē tā ònjī āmákā rí 'bá yî trá ndrī tálá Yēsū drā trá āmā vō 'á.

Tā Yēsū Krístō drí ā'dózó òjílā drīlī gō'dá kpá ngá ndrī āngó 'á nōngá nō, mālāyíkā, òvārī

òjílā gólīyī òdrā 'bá trá rí yí kâ, 'búlī-'bá, gō'dá kpá ólé yí bê rí

¹⁵ Ōjílā āzā ālō Ôvārī rí ndrē 'bá trá rí yū, gō'dá òndrē íyíkā Yēsū Krístō trá. Gō'dá gólá rí ā'dô-ā'dô rí'á nyé òzō Ôvārī tī. Gólá rí'á Ôvārī rí mvá 'í drē ākpākā'dā ólō'bāā drē ngá āzākā āngó 'á nō 'bá yî kô. Gólá kpá 'dī ngá āmbā Ôvārī drí lō'bālē nō 'bá yî drīlī ndrī. ¹⁶ Gō'dá Ôvārī lō'bā ngá ndrī āngó 'á nō 'bá yî gólá rí drī sī. Ítī rí, gō'dá Yēsū lō'bā ngá ndrī āmā drí rí'á ndrēlā āmā līfī sī āngó nō 'á nō nī, gō'dá gólá lō'bā ngá ndrī āmā drí ndrēlé āmā līfī sī kô rí 'bá yî kpá nī, tā ā'dā-ā'dā lā 'dī mālāyíkā yí, gō'dá líndrī ònjī yí, òvārī òjílā gólīyī òdrā 'bá trá rí yí kâ, 'búlī-'bá yí, gō'dá kúmú gólīyíkā kúmū íyíkā 'á rí 'bá yî bê ndrī. Gō'dá Ôvārī lō'bā ngá 'dī 'bá yî trá ndrī 'dó Yēsū Krístō rí drī sī, gō'dá Ôvārī lō'bā gólīyī trá ndrī 'dó gólá drí, gólá rí rōlé. ¹⁷ Ítī rí, gō'dá Yēsū Krístō bê rí'á drē ākpākā'dā ólō'bāā ngá ndrī āngó 'á nō 'bá yî kô, gō'dá gólá rí mbārākā 'è ngá 'dī 'bá yî nī rí'á rīlī nō, tálá gólá lō'bā ngá 'dī 'bá yî ndrī nī yí drí.

¹⁸ Ítī rí, gō'dá Yēsū Krístō íyíkā rí'á nyé òzō drī kátī, gō'dá òjílā gólākā rí 'bá yî íyíkā rí'á nyé òzō gólá rí rú'bā kátī. Gō'dá gólá kpá òjílā drī-káká lídrī 'bá òdrā 'ásī rí 'dī. Ítī rí, gō'dá Yēsū Krístō rí'á òjílā drīlī ndrī, òvārī òjílā gólīyī òdrā

'bá trá rí 'bá yí kâ bê ndrī gō'dá kpá ngá ndrī drīlī. ¹⁹ Gō'dá Ôvâri lē gólâ drí â'dólé nyé òzō yí Ôvâri tí drī-âcê gólâkâ bê, gō'dá kpá â'dô-â'dô gólâkâ rí bê. ²⁰ Gō'dá Ôvâri êdê tá trá ìyí lāfálé 'á ngá ndrī yí drí 'bálé rí 'bá yí bê òdrâ Yésù Krístò kâ fê lāfī-lāfī drī rí sī. Gō'dá òdrâ Yésù Krístò kâ 'dī 'bā tā ã'dī trá â'dólé Ôvâri yí lāfálé òjílâ ìyíkâ bê rí 'á.

²¹ Gō'dá sīšī rí, ãnī Kōlósī lé 'bá yí rí trá ngī Ôvâri rú sī, tā ìšū-ìšū ãnikâ 'bā ãnī trá â'dólé ãjú-'bā-ãzī Ôvâri kâ ró, gō'dá nī ró tā 'bā'bā gólâkâ kô. ²² Kpálé rí, ngbāangbānō rí, Ôvâri 'bā ãnī trá â'dólé ìyí rú-lē-ãziyā yí ró. Tā rí 'dī â'dô trá ìtī, tálâ Yésù Krístò úfī trá ãngó 'á nōngá ãmâ òjílâ mvá ró drálé fê lāfī-lāfī drī. Gō'dá lō'wā lá ró rí, Ôvâri ãjī tā ã'dī trá ìyí lāfálé 'ásī ãnī bê, gō'dá ngbāangbānō rí, ìcâ trá cú ãnī drí âdrézó Ôvâri ãndrá ngbāngbā tā ònjī ãkó ãnī rú. ²³ Ìtī rí, nī rí zāā tā lēlê ì'dī tā 'dī 'á, gō'dá nī rí kpá zāā rī'á līfī 'bálé ì'dī ngá gólīyī Ôvâri drí tā lá 'bálé trá 'è'á 'èlâ ãnī drí ìyí mvá yí ró rí drī tā ãtī-ãtī Yésù rí tāsī rí sī. Tā ãtī-ãtī tãndī Yésù rí tāsī nò òpê trá òrī dùú òjílâ gólīyī ãngó nò 'á nò 'bá yí kâ drí. Gō'dá 'dī kpá rī'á tā ãtī-ãtī tãndī ãlô-ãlô mâ Póólò drí rī'á pē lá nò rú 'bū 'bā Ôvâri kâ ró rí ì'dī.

Tā Póólò drí lãṅò úsúzó tálâ òjílâ tībê â'dó 'bá kô òrī Yúdâ

yí kâ ró rí yí ãârī ró ìyí tā Yésù rí tāsī rí

²⁴ Ngbāangbānō rí, mâ rī'á lãṅò úsú'á gãnimã 'á nōlé. Kpálé rí, mâ rī'á ãyīkô ró tálâ ãmâ rú'bá rí lãṅò úsú'á nò ãndrá-tãndī tāsī ãnī drí. Ìtī rí, ngá ãzâ 'bá yí bê Yésù Krístò drí drē zāā rī'á lãṅò úsú'á 'á lá ãmâ tībê â'dó 'bá Kãñisã ró gólâ rí rú'bá ró rí yí 'á sī. Ìtī rí, gō'dá lãṅò gólīyī má drí rī'á úsú'á ngbāangbānō rí, 'dī ìyíkâ trá lãṅò rí gógó ãmákâ ró má drí 'è'á úsú'á rí ì'dī. ²⁵ Ôvâri zī mâ trá â'dólé rú 'bū 'bá Kãñisã kâ ró, tálâ má òpâ ró ãnī òjílâ ìyíkâ bê, tā ãtī-ãtī tãndī nò tā lá òfī ró bê ãnī drī dódó. ²⁶ Gō'dá tā ãtī-ãtī rí 'dī trá rī'á tá gólâ tībê Ôvâri drí lãṅò trá lãṅò òjílâ drí ndrī ìtò vò 'ásī bũúú ãcálé ngbāangbānō rí ì'dī. Ìtī rí, gō'dá trá kãyī gólâ drí â'dázó lá ngbálí-ngbálí òjílâ ìyíkâ drí ndrī rí ì'dī. ²⁷ Ôvâri ìšū tā tá rí 'dī â'dálé ngbá òjílâ ìyíkâ rí 'bá yí drí gō'dá kpá ãnī tībê â'dó 'bá kô òrī Yúdâ yí kâ ró rí yí drí. Tā kírīwá tībê lãṅò lãṅò 'dī rī'á Yésù Krístò tībê ãnī drí â'dózó ngá ãlô ró gólâ bê 'dī ì'dī, nī ãmú ró ngá tãndī gólâkâ úrú 'álâ rí bê gólâ bê. 'Dī ngá gólâ ãmâ drí rízó līfī 'bálé vó lá ãyīkô sī rí ì'dī.

²⁸ Ìtī rí, gō'dá tálâ ì'dī 'dī ãmâ drí rízó rī'á tá ãtī-ãtī tãndī Yésù Krístò rí tāsī nò pēlé òjílâ gólīyī ndrī ãmâ drí rī'á úsú'á ãlô-ãlô rí 'bá yí drí rí. Gō'dá mâ rí rī'á tá 'dī pēlé òjílâ drí mbī gō'dá kpá pãṅṅí ró, tálâ òjílâ ããdré ró bê Ôvâri rí līfī drī 'á cú ìtī tá ònjī ãzãkã ãkó gō'dá kpá līnjī-līnjī ró tá 'è'è tãndī bê nyé òzō Yésù Krístò kãtī. ²⁹ 'Dī tá ìfī gólâ má drí rízó lōsī 'èlê mbãrãkã sī, gō'dá kpá rī'á rú cēlé nò, gō'dá kpálé ìtī rí, mbãrãkã â'dó 'bá Yésù kâ nò rí rí nī lōsī rí gógó 'èlê má sī.

2 ¹ Nī ndrē trá, má lē rú cēcē gólâ má drí rízó rú cēlé ãnī tāsī, gō'dá kpá krístò 'bá gólīyī Lōdīsīyã 'álâ rí 'bá yí tāsī, gō'dá kpá krístò 'bá gólīyī má drí ndrélé kô rí 'bá yí bê nò tá lá 'bálé ãnī drí nīlī. ² Gō'dá má 'è rãtãã ãnī drí â'dólé gágá òzō rákã fê kãtī tá lēlê ãnikâ 'á gō'dá nī lē kpá ãnī ãzī-ãzī yí rōò. Gō'dá má 'è rãtãã kpá ãnī drí â'dólé tá ìšū-ìšū mbī bê tá nīnī ãnikâ Ôvâri 'á rí tāsī, gō'dá kpá tá gólâkâ lãṅò-lãṅò ró tībê â'dó 'bá Yésù Krístò tībê ãnī drí â'dózó ngá ãlô ró gólâ bê 'dī ì'dī rí tāsī. ³ Ìtī rí, Yésù Krístò ì'dī tá nīnī mbī gō'dá kpá līfī lōmbã pãṅṅí rí ápí lá 'í ndrī.

Tā Póólò drí drī-mbílí sōzó krístò 'bá līfī óòzó kô gólīyī ádó

tā ìmbã ányã sī rí

⁴ Má ãtã tá 'dī ìtī 'dī rí, tálâ òjílâ ãzã òzó kô ãnī ádó úlī līfī lōmbã kâ sī tībê â'dó 'bá ònjò ró rí. ⁵ Gbõ lé má â'dô bê jējē ró ãnī rú sī rí, má rí zãā rī'á ãnī tá ìšú'á kãrã tá 'è'á 'èlâ ãnī tāsī rí bê. Gō'dá mâ rī'á ãyīkô ró, tálâ rīrī ãnikâ rī'á mbī, gō'dá nī lē tá kpá trá Yésù Krístò 'á pīpīšīlī ãlô sī.

⁶ Gō'dá òzō ãnī drí tã-drī lērē trá kī Yésù Krístò ãã'dô kúmú ãnikâ 'í 'dī rí, 'dōvó nī 'bã ãnī nyãnyã rīlī ngá ãlô ró gólâ bê. ⁷ Gō'dá ìtī rí, nī 'bã ãnī ìndrīgó òfī ñí Yésù Krístò 'á òzō fê gólâ ìndrīgó lá drí filí trá ñí ñnyákú tãndī 'á rí kãtī. Gō'dá nī 'bã Yésù Krístò ì'dī â'dólé ñnyákú tãndī ãnikâ ró ãnī ìndrīgó drí fízó bê 'á lá ñí gágá gō'dá kpá rí 'bá ngá nyãnyã tãndī fēlé ãnī drí gō'dá kpá ãnī pãlé rí. Gō'dá ìtī rí, nī â'dô ró gágá tá lēlê gólâ ãnī drí lēlê trá tá pãṅṅí gólâ ãnī ìmbázó 'á lá nò 'á, gō'dá nī rí ró zãā ãwò-ìtī 'è'è bê Ôvâri drí.

⁸ ãnī līfī òmbã ãnī rú óòzó ãnī ádó úlī līfī lōmbã kâ sī tá lēlê tá ìmbã tībê â'dó 'bá òjílâ mvá kâ ró, gō'dá 'bã 'bã ònjò ró rí 'á. Tã pãṅṅí ró, tá ìmbã lãrãkô rí gógó 'dī ãnī ìyíkâ kôró lãjò'bã Sãtãnã kâ rí 'bá yí tī sī, gólīyī òjílâ ãngó nò kâ nò 'bá yí drīlī kúmú ró rí. Gō'dá tá ìmbã lãrãkô rí 'dī â'dó kô Yésù Krístò ngá lésī. ⁹ Yésù Krístò cé ì'dī â'dô-â'dô lá drí 'bálé nyé òzō Ôvâri kãtī gō'dá kpá mbãrãkã Ôvâri kâ bê ndrī gólâ rí rú'bã ñnyákú 'á rí. ¹⁰ Ìtī rí, gō'dá ãnī rī'á ìzã òrē kã ãkó Ôvâri drīgá sī, tálâ ãnī trá rī'á ngá ãlô ró Yésù bê, gō'dá gólâ ì'dī mbãrãkã ndrī ãngó 'á nò 'bá yí drīlī, málãyíkã tãndī ngãtã lĩndrĩ ònjĩ, 'bũlĩ-'bã yí bê, gō'dá kpá ólé yí bê ndrī.

¹¹ Mâ ìcã kô â'dólé ngá ãlô ró Ôvâri bê 'dē'dē bãsã 'á tībê â'dó 'bá tótó ãmâ ñnyĩrĩkô ñṅṅò ì'dī drī òjílâ mvá kâ rí sī rí. Vò lá 'á rí, Ôvâri 'bã ãmâ trá â'dólé ngá ãlô ró Yésù bê tá lówókò gólâ ãmâ 'á, rí 'bã ãmâ 'bálé tá ònjī 'èlê rí ñṅṅò lá sī vólé ãmâ pīpīšīlī 'ásī. ¹² Ìtī rí, gō'dá bãbãtízī ãnikâ rí kpá rī'á tá 'dī 'bá yí â'dálé, tá rí 'dī òrī ró bê ãnī drī. Tã rí 'dī rí tá â'dálé kī, òzō ãnī drí â'dorē trá ngá ãlô ró Yésù Krístò bê rí tī rí, gō'dá ò'bã tá lówókò tá ònjī ãnikâ rí kã trá 'bú 'á 'dũwã Yésù Krístò rí ãvò bê, gō'dá nī ngá gō'dá kpá trá òdrã 'ásī 'dũwã gólâ bê. Tã 'dī 'bá yí rī'á tá pãṅṅí 'í ãnī drí, tálâ nī lē tá trá Ôvâri 'á mbãrãkã gólâkã ãkī gólâ drí Yésù Krístò rí ñngázó ì'dī sī lá òdrã 'ásī 'dī 'á.

¹³ Gō'dá tá rí 'dī â'dó trá nõtī, tá lówókò ãnikâ Ôvâri rí lē kã rí drã trá ãnī pīpīšīlī 'ásī vólé, tálâ tá ònjī ãnikâ 'èlê Ôvâri rú rí drí. Ìtī rí, Ôvâri ãyē ãnī trá tá ònjī ãnikâ 'ásī gòzó kpá tá lówókò ãnī pīpīšīlī 'á ìyí lē kã rí lógólé â'dólé lédre-lédre ró Yésù Krístò bê. ¹⁴ Gō'dá Ôvâri lĩ ìcĩcĩyã ndrĩ ãmã rú tá gólã ãmã drĩ tá 'bã'bã ìyíkã rözó kô rí trá ndrĩ 'dó vólé. Gólã ìzã tá ònjĩ ãmákã ñgĩlĩ trá vũdrĩ rĩ trá ndrĩ ñpã-ñpã lá sī, fê lãṅò-lãṅò drī Yésù Krístò bê.

¹⁵ Tóla fê lãlî-lãlî nã drî rî, Yésù Krístô trô mbârâkã Sâtánã kã trá drî-âcê gólákã bê, gô'dá kpá líndrí gólíyî ndrî rî 'bá Sâtánã rî ññlî rî kã yí bê. Gô'dá fê lãlî drî tóla rî, gólã pẽ gólíyî cú, gô'dá gólã â'dã kpá ängó drí kî, gólíyî gô'dá trá mbârâkã äkó.

¹⁶ Ítí rî, gô'dá â'dó kô tãndí ró ôjílã äzã drí tã 'bã'bã 'bãzó ãnî drí kî, nî ònyã ngá äzã 'bá yí kô ngá mvũmvũ äzã 'bá yí bê. Gô'dá nî ãrî tã gólíyîká kpá kô òzô gólíyî ò'bã tã trá ãnî drí kî nî rî, nî ò'è lã'bí äzã 'bá yí nyé òzô lã'bí òrî Yúdã yí kã párá sî kã 'dî tí rî, ngátã kã yí nî-drî-lã-rî kã 'dî yã rî. ¹⁷ Tã 'dî 'bá yí ndrî â'dô trá sîsî â'dô äcã-äcã Yésù Krístô kã ängó drî nongá rî â'dálé, gô'dá 'dî â'dô kpá òzô tã pãtî líndrí kátí. Gô'dá tã gólã â'dó 'bá tã pãtî ró, gô'dá kpá mbî ró rî íyíngá Yésù Krístô 'dî. ¹⁸ Nî äyè ôjílã äzã älölä äädô ãnî kô, gô'dá nî 'bã änyî ò'è ãnî kô tã gólã ãnî drí lã'bí 'dãzó kô ngátã òvãrî ãnî ä'bíyã yí kã rî íratãzó kô 'dî 'á. Ítí rî, ôjílã gólíyî rî 'bá tã 'dî 'bá yí 'èlé 'dî rî, gólíyî rî íyî lömbélé äbî-äbî íyîká rî'á äbílã rî 'bá yí tãsí 'dî. Tã ndrî gólíyîká rî'á ätálã rî 'bá yí rî'á lösi äkó, tãlã tã ñsù gólíyîká íyîká cé íyî tã 'balé 'dî â'dólé gãrã. ¹⁹ Ítí rî, ôjílã rî 'dî 'bá yí â'dó gô'dá kô nyé òzô Yésù Krístô rî rú'bã tíbê Yésù drí â'dózó nî drî lã ró rî yí kátí. Yésù Krístô cé 'dî ämã drî 'í tíbê ämã 'èbé 'bá kpãkã älö, gô'dá kpá rî 'bá ämã vó ndrêlé, tãlã mã ömbã ró bê lãtî gólã Övãrî drí lélé ämã drí mbãzó rî 'ásî.

²⁰⁻²¹ Ítí rî, gô'dá tã lövókô tã ònjí ãnikã rî kã drã trá Yésù Krístô bê, tãlã ãnî trá ngá älö ró gólã bê. Gô'dá gólã ññjî ãnî trá mbârâkã líndrí ònjí gólíyî tíbê rî 'bá ôjílã ängó nò kã nò 'bá yí drîlî kúmú ró rî 'bá yí kã 'ásî. Gô'dá tãlã â'dô 'í ãnî drí gôzó kpá zãã rî'á tã 'èlé òzô ãnî drí 'bãrê kpá zãã mbârâkã líndrí ängó kã rî kã drîgã rî kátí yã? ãnî drí gôzó kpá zãã tã 'bã'bã gólíyîká vó lã löbélé 'dî kî'á nî rî, nî nyã ngá nã kô, nî dö ngá nã kô rî. ²² Ngá 'dî 'bá yí â'dô rú ndrê'á ndrî. Öjílã mvã rî tã 'bã'bã 'dî 'bá yí 'balé cé nî. ²³ Tã 'bã'bã 'dî 'bá yí lëndrê íyîká fî tãndí ró rî, â'dô ãnî 'bã'á lëndrêlé nyé òzô nî lë Övãrî trá rôô rî kátí, gô'dá äákî'á nî rî, nî lögô ãnî trá vüdrî 'álã rî kátí, gô'dá äákî'á nî rî kpá, nî äã'dô ícã'á cú ãnî rú'bã vó ndrêlé rî kátí. Kpalé ítí rî, tã 'bã'bã rî 'dî 'bá yí mbârâkã äkó tã lövókô tã ònjí 'è kã ãnî 'á rî fülî.

Tã ämã drí â'dózó rîrî ó'dí bê Yésù Krístô 'á rî

3 ¹⁻³ Nî ãrî drê, íngã ãnî trá 'dũwã Yésù Krístô bê ödrã 'ásî rîrî ó'dí 'á gólã bê, ítí rî, gô'dá nî 'bã lîfî cé tã tãndí gólã Övãrî drí tã lã 'balé trá 'è'á 'èlã ãnî drí úrú 'álã Yésù Krístô yí drí â'dózó 'dî kúmú lã ró Övãrî bê rî drî 'dî. Nî ñsù gô'dá cé ngá gólíyî úrú 'álã rî 'bá yí, tã lã 'dî, gô'dá â'dó kô ãnî drí gôzó rî'á úrî 'èlé 'dî, ngá gólíyî ängó nò 'á 'è 'bá íyî rú ndrêlé ndrê nò 'bá yí tãsí. Tã lövókô äkú ãnî 'á rî 'bã ãnî 'balé ngá gólíyî ängó nò kã nò 'bá yí tã lã ñsülî rî drã trá vólé, gô'dá ãnî trá cú rîrî ó'dí bê ngá älö ró Yésù Krístô bê, gô'dá kpá Övãrî bê úrú 'álã. ⁴ Gô'dá ämã rî'á rîrî tãndí äzã äkó ängó 'á nongá, rîrî tãndí cé rîrî gólã ämã drí 'è'á ämúlã Yésù Krístô bê rî 'dî. Gô'dá kã yí äzã sî, Yésù Krístô â'dô ägô'á ängó 'á nongá, gô'dá ämã drí kúmú gólákã úrú 'álã rî ämúzó gólã bê.

⁵ Ngbãangbãno rî, nî äyè tã ònjí gólíyî ãnî drí rî'á 'èlã sîsî, drê ãnî drí â'dózó kô ngá älö ró Yésù bê rî. Ítí rî, nî kô ä'dú gô'dá cé ãnî ökó ngátã ägô bê 'dî, nî 'bã ãnî drî kô cé rî'á tã ònjî-ònjî rî 'bá yí ñsülî 'dî, nyé òzô ävê kátí, gô'dá 'dó-mã-drí bê, gô'dá kpá ägî-ägî ngá ôjílã äzî kã rú rî bê. Ítí rî, ävê, 'dó-mã-drí bê rî, rî ôjílã 'balé â'dólé íyî nyãnyã kã ró, gô'dá â'dó kô â'dólé ôjílã Övãrî kã ró. ⁶ Gô'dá tã gólíyî ítí 'dî 'bá yí rî Övãrî rî 'balé â'dólé äwã ró tákányî gô'dá gólã drí lãñö fêzó ôjílã rî 'bá tã ítí 'dî 'bá yí 'èlé rî yí drí, gô'dá gólíyî vólé gã 'bá dó tã 'bã'bã íyîká ññlî rî 'bá yí bê. ⁷ Nî rî trá tã ònjî-ònjî gólíyî ítí 'dî 'bá yí 'èlé drê äkpãkã'dã kã yí gólíyî ãnî drí tã Yésù Krístô kã ñzó kô rî 'á. ⁸ Ítí rî, nî äyè gô'dá tã rî gógó ònjî-ònjî 'dî 'bá yí vólé, nyé òzô äwã kátí, ägî-ägî, tã 'bã'bã ôjílã äzî rú, ôjílã äzî 'dã'dã, ngátã tã ònjí ätálé ôjílã äzî rú rî. ⁹⁻¹⁰ Nî ädô ònjö kô, tãlã nî äyè rîrî äkú ãnikã änyã ró rî yí trá gô'dá nî ítö trá rîrî ó'dí rîlî 'dî. ãnî gô'dá trá ndrî ôjílã ó'dí 'í. Ítí rî, gô'dá â'dô-â'dô ãnikã trá òzô â'dô-â'dô Övãrî tíbê ãnî 'bã 'bá rî kátí. ¹¹ Gbô lé nî â'dó kô òrî Yúdã yí kã 'í 'dî, ngátã nî 'dê trá bãsã 'á ngátã nî 'dê kô yã rî, ngátã ãnî ôjílã gólíyî äzî-äzî drí gälé dó rî 'dî yã rî, ngátã ôjílã äzî-äzî drí ndrêlé ngá ònjí ró rî 'dî yã rî, ngátã ãnî ngá-ñî bê düü, ngátã ãnî ngá äkó lé 'bá 'í yã rî, Yésù Krístô drí rî, ôjílã íyîká ndrî ngá älö ró. Ítí rî, Yésù Krístô rî íyîká rîlî ämã pîpîsîlî 'ásî ndrî, gô'dá 'dî ngá gólã tã lã drí lãvülî gãrã rî 'dî.

¹² Gô'dá Övãrî lë ãnî trá rôô, gólã drí ãnî ñjîzó â'dólé ôjílã íyî nyãnyã kã ró 'dî. Gô'dá tã rî gógó 'dî tãsí rî, nî 'è zãã tã tãndí 'dî ôjílã äzî drí, gô'dá nî â'dô kpá pîpîsîlî ä'dî bê ôjílã rú kã yí vósî cé äyîkô sî. Nî â'dô mánîsî gô'dá kpá fîi ätũ-ätũ bê, gô'dá nî 'è lömbé-lömbéwã kô. ¹³ Nî äyè ãnî äzî-äzî yí tã ònjí gólíyî drí 'èlé trá ãnî drí rî 'ásî, tãlã Övãrî äyè ãnî kpá trá tã ònjí ãnikã 'ásî rî drí sî. ¹⁴ Ítí rî, nî 'è tã 'dî 'bá yí ndrî, gô'dá tã gólã lãvü 'bã gãrã ãnî drí 'èlé rî, ãnî drí ãnî äzî-äzî yí lélé 'dî. Gô'dá òzô nî ölé ãnî äzî-äzî yí trá rî, ãnî drí rîzó ngá älö ró, tãlã ãnî trá gãrã rú'bã kã rú 'ícú 'bá ngüngî rú'bã älö rú rî 'dî, gô'dá gólã ññjî ãnî trá, tãlã nî rî ró bê ngá älö ró tã ä'dî íyîká 'á.

¹⁵ Ítí rî, gô'dá tã ä'dî gólã Yésù Krístô drí äfélé rî òrî tã ñsù ãnikã 'á kã yí vósî cé, tãlã Övãrî ññjî ämã trá rú 'èbélé ngá älö ró òzô lükúmã ngüngî drí rú 'èbérê rú'bã älö rú rî kátí. Nî rî ró bê zãã rî'á äwô-ítî 'èlé 'dî Övãrî drí. ¹⁶ Gô'dá tã ätî-ätî tãndí Yésù Krístô rî tãsí rî òrî zãã kã yí vósî cé ãnî drî. Nî rî äzî-äzî ímbalé löngó Övãrî kã ngöngö lã sî búkú gólákã 'ásî, gô'dá kpá löngó äzã 'bá yí rîzó gólã rî lûyîlî rî 'bá yí bê. ¹⁷ Nî 'bã ngá ndrî ãnî drí rî'á 'èlã rî 'bá yí, tã ãnî drí rî'á ätálã rî 'bá yí bê Yésù Krístô rî 'balé â'dólé äyîkô ró. Nî 'è äwô-ítî Övãrî ämã átã drí Yésù Krístô rî tãsí.

¹⁸ ãnî ökó yí, nî ãrî tã ãnî ägô yí kã, tãlã 'dî tã Övãrî drí lélé ãnî drí 'èlé rî 'dî. ¹⁹ Gô'dá ãnî ägô yí, nî lë ãnî ökó yí dódó, gô'dá nî â'dô tãndí ró gólíyî drí. ²⁰ ãnî 'dîyîmvã, nî ññjî ãnî ändrê yí átã yí bê kã yí vósî cé. Özô nî ò'è trá ítí rî, Övãrî â'dô â'dó'á ãnî bê äyîkô ró. ²¹ Gô'dá átã yí, nî 'è tã ònjí tíbê 'è 'bã ãnî mvã yí 'balé â'dólé äwã ró rî kô gólíyî drí. Özô nî òrî 'èlã ítî, òzô gólíyî ölé trá tã tãndí 'èlé rî, drîlîyî äyézó lã. ²² Gô'dá ãnî rú 'îbũ 'bá ró rî yí, nî ññjî ãnî lîpî yí kã yí vósî cé. Nî ññjî gólíyî òzô gólíyî â'dô bê ãnî bê rî, gô'dá kpalé ítí rî, òzô gólíyî â'dô yú'dãwã rî, nî 'îbũ rú gólíyî drí pîpîsîlî älö sî. ²³⁻²⁴ Ítí rî, òzô nî â'dô trá lösi 'è'á rî, nî üjü lösi 'èlé tãndí ró. Rî'á ícã-ícã ró ãnî drí 'ézó lã ítî, tãlã rú 'îbũrî

'á rí, nī rí rú ì'bùlì 'dī kúmú àmákà Yésù Krístò drí. Ítí rí, nī nī trá kī, gólá à'dò drí-'à fě'á ànì drí ùrú 'álá. ²⁵ Ítí rí, gō'dá nī ìsù kpá kī, Kúmú Yésù à'dò lāṅṅ fě'á òjílá gólíyí rí 'bá tá ònjí 'élé rí yí drí. Gō'dá gólá à'dò òjílá ndrī 'ě'á lāfí àlò 'ásí.

4 ¹ Ànì lōsī 'ě 'bá līpì ró rí 'bá yí, nī à'dò pīpīsīlì mvēēmvē bē lōsī 'ě 'bá àníkà yí drí, nī fě ngá gólíyí drí lélé à'dò ró rí zó rí gólíyí drí, ànì rí'á kpá ànì līpì bē ùrú 'álá.

² Nī rí zāà rāṭāā 'ě'ē sī Ôvārí drí, gō'dá ànì līfí òrī zāà ngíyá, gō'dá nī rí kpá zāà àwò-ítí 'élé Ôvārí drí. ³ Gō'dá nī ìjì Ôvārí àmà tāsī, gólá òfē ró lāfí bē àmà drí tá àtí-àtí tándí íyíkà pēzò òjílá drí. Nī ìjì Ôvārí, tálá gólá òpà ró àmà bē tá gólákà lāpì-lāpì ró, gō'dá gólá drí à'dalé trá òjílá drí nò pélé òjílá drí. 'Dī tá ífí gólá má drí à'dózó gānīmā 'á nò 'dī.

⁴ Gō'dá nī ìjì kpá Ôvārí, tálá gólá ò'bā ró má bē tá àtí-àtí tándí gólákà nò pélé mbì òjílá drí, tá lá òfí ró bē òjílá drī dódó. ⁵ Gō'dá òzò ànì à'dò trá òjílá gólíyí tíbē à'dó 'bá krístò 'bá ró kò rí lāfálé rí, nī lōndā lāfí íyíkà zāà tá Yésù ká nò átázó 'dī gólíyí drí. ⁶ Ítí rí, òzò nī àà'dò trá tá rí 'dī òjálá gólíyí bē rí, nī à'dò cú 'díyí ìnjì-ìnjì bē gō'dá kpá tá ìsù-ìsù tándí bē, tálá nī ìcà ró bē tá gólíyí drí rí'á òjílá rí lōgólé dódó.

Tā Póólò drí nī-bē-yā krístò 'bá àzì kà fězò rí

⁷⁻⁸ Má trá àmà àdrúpì àzì rú bē Tikíkò rí jò'á ànì ngálá nò. Gólá à'dò àmà tá àtá'á nī ànì drí. Tikíkò rí'á àmà rú-lē-àzì tándí tíbē àmà drí rí zó lōsī kúmú àmákà Yésù Krístò ká nò 'élé gólíyí bē tándí ró rí 'dī. Gólá à'dò mbàràkà sò'á ànì 'á.

⁹ Gólíyí à'dò nī'á Ònēsímò gólá tíbē à'dó 'bá kpá òjílá àníkà ró rí bē. Ònēsímò rí gógó kpá òjílá tíbē 'dē 'bá trá Yésù Krístò vó pāfí-pāfí ró rí 'dī. Gō'dá gólíyí à'dò ngá gólíyí ndrī à'dó 'bá nólé nò tá lá ngí'á nī ànì drí tólá.

¹⁰ Gō'dá Àrīsītārókò gólá tíbē à'dó 'bá má bē gānīmā 'á nólé nò fē nī-bē-yā ànì drí tólá. Gō'dá Mārākò Bārānābā rí àdrúpì ró rí fē kpá nī-bē-yā ànì drí. Ítí rí, má àtā Mārākò rí tá trá sīsì ànì drí, òzò gólá òcà trá tólá rí, nī lāgù gólá àyíkò sī. ¹¹ Gō'dá Yásōwā tíbē zīlì kpá Yúsētù rí fē kpá nī-bē-yā ànì drí. Ítí rí, òjílá gólíyí nā 'dī 'bá yí òjílá gólíyí òrī àmákà Yúdā yí kà 'ásí rí 'bá ìyí lōsī 'élé 'dūwā má bē nólé Ôvārí drí rí 'dī. Gólíyí sò mbàràkà trá má 'á.

¹² Ēpāfārāsī, krístò 'bá gólá à'dó 'bá òjílá àníkà ró rí fē nī-bē-yā kpá ànì drí. Gólá nólé zāà rí'á rú cē'á rāṭāā 'ě'ē bē Ôvārí drí, Ôvārí ò'bā ró ànì bē à'dólé gágá tá lélé àníkà 'á, gō'dá nī à'dò ró bē òjílá lārākò Ôvārí drí lélé rí yí ró. ¹³ Ítí rí, gō'dá gólá rí'á rāṭāā 'ě'á rōò ànì tāsī òjílá Lōdīsíyā ká bē gō'dá kpá òjílá Hērāpólí ká bē. ¹⁴ Dēmāsī yí àmà rú-lē-àzì àmbá Lúkā tíbē à'dó 'bá dōkótórò ró rí bē fē ìyí kpá nī-bē-yā ànì drí. ¹⁵ Má fē nī-bē-yā àmákà krístò 'bá gólíyí Lōdīsíyā 'álá rí 'bá yí drí, gō'dá kpá Nīmífā yí drí krístò 'bá gólíyí rí 'bá rú 'é'bélé gólá drí 'bā 'álá rí 'bá yí bē. ¹⁶ Òzò gō'dá úūzì wārāgā nò trá ànì drí rí, nī gō ró lōpélá kpá kāmīsā Lōdīsíyā 'álá rí drí úzì ró bē kpá tólá krístò 'bá tólá nā 'bá yí drí. Gō'dá nī zī kpá wārāgā gólá má drí jólé ngī òjílá Lōdīsíyā ká drí nā.

¹⁷ Gō'dá nī àtā Ākípā drí kī, gólá ùnì tándí ró gólá drí lōsī Ôvārí drí fēlé trá gólá drí 'dī ndélé.

¹⁸ Gō'dá má rí gógó Póólò, má fē nī-bē-yā ànì drí, má rí gógó nyāányā lá má trá àmà rú ìgí'á nò. Àmà tá ùvì ànì drī sī gānīmā 'á nólé kò, nī 'ě rāṭāā bē àmà tāsī. Ôvārí àà'dò ànì bē ndrī. 'Dī 'dī.